



13552.10
816

48562

增訂歐陽文忠公年譜

Kodak Color Control Patches



昭代叢書丙集補卷三

三四



吳江 沈懋 翠嶺 輯

增訂歐陽文忠公年譜

無錫華葦亭葦軒著

公諱修字永叔先世居長沙太子率更令詢詢子司

禮卿通顯于唐通曾孫琮為吉州刺史子孫因家廬

陵吉州首縣十六傳至公之祖偃始居吉水之沙溪鎮至

和二年析吉水置永豐縣而沙溪隸永豐遂為永豐

人曾祖郴字可封南唐檢校右散騎常侍兼御史太

累贈金紫光祿大夫太師中書令曾祖妣劉氏累封
楚國太夫人祖偃南京街院判官累贈金紫光祿大
夫太史中書令兼尚書令祖妣李氏累封吳國太夫
人考觀字仲實咸平三年進士終泰州軍事判官累贈
金紫光祿大夫太師中書令兼尚書令追封鄭國公
妣鄭氏累封韓國太夫人

丁未真宗景德四年六月二十一日寅時公生

時鄭公為綿州軍事推官按通鑑是年閏五月而前五月丙申朔此當是戊申月乙卯日戊寅時

庚戌夫申祥符三年公四歲

鄭公終于泰州叔父煜時任隨州推官煜字日華終都官員

外郎太夫人攜公往依之嘗謂公曰兒欲識爾父乎

視爾叔父其狀貌起居言笑皆似爾父也公雖幼

已知母言之悲與叔父之親矣自是家于隨州太

夫人守節自誓居貧自力于衣食常以荻畫地教

公書字按鄭公之卒年五十九而太夫人始三十

何娶之晚耶考歐陽氏譜圖觀生二子曰

兩曰修疑鄭公尚有原配兩是其所出然徧閱公

集不聞有前母若兩為太夫人所出與公年正相

若往隨之日兩又安在也公與韓魏公簡云私門

薄祜少苦終鮮惟存二姪又喪其一皇考焚黃祭

文云謹遣兄之子廬陵縣尉嗣立以告又公與十

召代養書丙集甫增訂歐陽文忠公年譜戒如父子此二

人非同生不知誰為嗣立亦不知二人之父為誰姑識所疑以俟知者

辛亥大中祥符四年公五歲

葬鄭公于沙溪之瀧岡

丙辰大中祥符九年公十歲

在隨家益貧常借書抄抄未畢而已成誦州南大姓李氏子好學公多游其家于故書中得唐韓昌黎文六卷乞以歸讀而愛之至晝夜忘寢食為詩賦下筆已如成人叔父見之謂太夫人曰嫂無他家貧子幼為念此奇兒也不惟起家以大吾門他

日必名重當世

癸亥仁宗天聖元年公十七歲

應舉隨州試左氏失之誣論其略曰石言于晉神降于莘內蛇鬪而外蛇傷新鬼大而故鬼小人已傳誦坐賦逸官韻黜

丙寅天聖四年公二十歲

自隨州薦名禮部

丁卯天聖五年公二十一歲

試禮部不中

戊辰天聖六年公二十二歲

攜文謁胥學士偃于漢陽胥公大奇之畱置門下

冬攜公泛江如京師按公與刁景純書叙感胥公知遇之恩又言不欲效世俗

子以卑昵自親名曰報德非惟自私直亦待所知

以不厚惟欲少勵名節庶不泯然無聞用以不負

所知雖胥公未必諒此心也蓋胥公與范文正不

睦而公方坐范公貶既不忍負知己之恩又不敢

沒是非之實故其言如此程明道先生公嘉祐二

年所取士也為婦翁彭思永撰行狀語不滿公思

永以風聞之語誣讎大臣而明道信之不疑晦庵

撰張魏公行狀左李忠定二先生晚年皆深以為

悔也天聖七年公二十三歲

已巳天聖七年公二十三歲

從胥公在京師試國子監為第一補廣文館生秋

赴國學解試又第一庚午天聖八年公二十四歲

正月試禮部翰林學士晏公殊知貢舉公復為第

一三月御試崇政殿公甲科第十四名五月

授將仕郎試祕書省校書郎充西京畱守推官

辛未天聖九年公二十五歲

三月至西京錢文僖公惟演為畱守幕府多名士

與尹洙師魯梅堯臣聖俞九善日為古文歌詩遂

以文章名冠天下 初胥公許以女妻公是歲親

迎于陳武 公舊譜每歲列其著述考文詞之先後今所傳譜係郡人胡柯編次皆刪去惟

目錄于每篇之下題所撰年月或漏或訛茲詳閱

本文參稽史傳做舊譜之意存其什一始于是年

壬申明道元年公二十六歲

二月同楊子聰張應之陳經秀才游嵩山 秋行

縣視旱蝗 九月通判謝 緜 希深奉詔書御香告

嵩嶽太常移文合用讀祝捧幣二員府以公與楊

子聰分攝而尹師魯王幾道適至遂約同游十二

日出建春門宿十八里河十三日至緱嶺尋子晉

祠陟輶轅道入登封出北門齋于廟中十四日五

鼓朝服行禮遂謁新宮拜真宗御容至峻極中院

始改冠服卻車徒輕齋以行登太室中峯時秋清

日陰天未甚寒晚花幽草虧蔽巖壁遂窺玉女窗

搗衣石迤邐至八仙壇憩三醉石日昃抵峻極上

院躋封禪壇下瞰羣峯向所跋而望之謂非插翼

不可到者皆培塿焉夕宿東峯頂上會幾望大無

纖翳萬里在日子聰疑去月差近令人浩然絕世

閒慮五人者相與岸幘褫帶環坐滿引賦詩談道
夜分少就枕以息十五日訪歸路出登封西門道
潁陽十六日訪石堂山紫雲洞邢和璞著書之所
山徑極險捫蘿而上者七八里上有大洞蔭數畝
水泉出焉見峭壁有若四字云神清之洞體法雄
妙疑古苔蘚自成文又意造化者筆焉問道士及
近居之民皆曰向無此異不知也十七日緣伊流
陟香山上上方飲于八節灘上自峻極中院至此
凡題名于壁于石于樹間者十有四處
紅鸚鵡賦
游龍門分

題十一首五言古 伊川獨游 嵩山十二首
雨後獨行洛北五言律 陪府中諸官游城南
緱氏縣作 又行次作 河南王尉西齋 張主
簿東齋 和游午橋莊 被牒行縣因書所見呈
僚友五言排律 游龍門分題四首五言絕 送
陳經秀才序 送梅聖俞歸河陽序 叢翠亭記
書梅聖俞稟後

癸酉明道二年公二十七歲

正月以吏事如京師因省叔父于漢東 三月還

洛 夫人胥氏卒 年始十七 時生子未踰月 九月莊

獻劉后莊懿李后耐葬定陵公至鞏縣陪祭 十

二月進階承奉郎 鞏縣初見黃河七言古 送楊

召代 增訂歐陽文忠公年譜 六 世楷堂

序

李秀才東園亭記

東齋記

上

范司諫書

才第

二書

與郭秀才書

與張秀才

第一書

與

張秀才

甲戌景祐元年公二十八歲

三月西京秩滿歸襄城

五月如京師會前畱守

王文康公

曙

入樞府薦召試學士院先是公在河

南有一兵士自役所逃歸文康問曰勘兵士何謂

未斷公曰合送本處行遣文康曰似此某作官處

斷過甚多不須疑公不可一夜文康召問軍人未

斷否公曰未文康曰幾至誤事明日遂送所屬處

及文康召歸謂公曰今來有例合舉館職當奉舉

遂有是薦 閏六月乙酉授宣德郎試大理評事

兼監察御史充鎮南軍節度掌書記館閣校勘

三館祕閣所藏書多脫謬七月庚辰詔委官編定

做開元四部著為總目公預焉 是歲再娶諫議

大夫楊公

大雅

女

春日

獨游

上林苑

後亭

見櫻桃

士

送王汲宰藍田

罷官

西京

同寄

張九屯

田司錄

簿

離彭婆值雨

投臨汝驛

武

行至樞澗

作送祝熙

載之

東陽

主簿

夏侯

相書

代人

上王樞密

泊

上呂相

公求見書

與黃校書

論文章

書

代楊

推官

謝

校勘啟 尚書職方郎中
分司南京歐陽公墓誌銘

乙亥景祐二年公二十九歲

七月公同產妹之夫張龜正死于襄城謁告視之

大九月夫人楊氏卒年始十八十一月詔錄五代及

諸國後時御史臺辟石介為主簿介未至論朱梁

劉漢不當求其後裔坐罷公貽書責中丞杜公衍

曰主簿于臺中非言事官介足未履臺門之闕已

用言事見罷可謂正直剛明不畏避矣度介之才

不止為主簿直可為御史今黜介而他舉亦必擇

賢夫賢者固好辨又有言則又黜而他舉乎如此

則必得愚闇懦默者而後止也杜公不能用與石推官

第一書 襄州燕龍圖惠詩啓 謙議大夫楊公墓誌銘 謝

丙子景祐三年公三十歲

天章閣待制范公仲淹以言事忤宰相落職知饒

州公遇司諫高若訥于余襄公靖家若訥非短范

公以為宜貶公歸貽書責之謂不知人間有羞恥

事若訥怒上其書五月戊戌貶峽州夷陵令既而

余襄公尹師魯皆連坐被貶蔡襄君謨為四賢一

不肖詩以美公及范尹俞而譏若訥都人傳寫粥
書者市之得厚利契丹使適至買以歸張于幽州
館公自京師沿汴絕淮沂江奉母夫人赴貶所有
于役志 十月至夷陵與尹師魯書有云昨日因
參轉運使作庭趨始覺身是縣令矣其餘皆如昔
時師魯簡中疑修有自疑之意者非他懼責人太
深以取直耳今而思之自決不復疑也五六十年
來沈默畏懼相師成風忽見吾輩作此事下至竈
間老婢亦相驚怪不知此事古人日日有之但問

所言當否而已又有深相賞歎者亦是不慣見事

人也然吾輩亦當絕口不及前事居閒僻處日知

進道而已 黃楊樹子賦 初出真州泛大江作七

言律 冬至後三日陪丁元珍游東山

寺 夷陵歲暮書事呈元珍表臣 初至夷陵答

蘇子美見寄五言排律 江行贈雁七言絕 送

王聖紀赴扶風主簿序 泗州先春亭記 夷陵

縣至喜堂記 與高司諫書 回丁判官書 與

尹師魯第一書 讀李翱文

丁丑景祐四年公三十一歲

正月有書與師魯約分撰五代史 明年與李淑書

云收拾綴緝粗

若有成首尾顛倒未有卷第嘉祐五年知制誥范
鎮奏取公五代史付唐書局繕寫上進公辭云往

召代叢書 內集 增訂歐陽文忠公年譜 世楷堂

任夷陵及知滁州以負罪謫官閒僻無事因將五代史試加補緝而外方難得文字檢閱所以詮次未成云云以此知公撰著五代史始于是年公于宋祁尚不忍沒何況師魯知實未分任也

張舜民 芸叟嘗問公曰學者之見先生皆欲聞道

德文章今先生多教人以吏事所未喻也公曰文

學止于潤身政事可以及物吾昔貶夷陵欲求史

漢一觀公私無有無以遣日因取陳年公案反覆

觀之見其枉直乖錯違法徇情滅親害義無所不

有以夷陵荒遠褊小尚如此天下固可知矣當時

仰天誓心曰自爾遇事不敢忽也迄今三十餘年

出入中外忝塵三事以此自將今日以人望我必

為翰墨致身以我自觀諒是當時一言之報也此係

後日追述夷陵 三月謁告至許昌娶薛簡肅公

妻女後公十八年卒累封岐國太夫人 九月還夷陵 十二月

壬辰移光化軍乾德縣令下牢溪五言古詩三游洞七言古詩黃牛峽祠

文初千葉紅梨花和丁寶臣游甘泉寺代贈田

泊至喜堂新開北軒手植楠木兩株走筆呈元

律表臣戲荅元珍初晴獨游東山寺五言排

俞夷陵書事寄謝三舍人七言排律寄梅聖

易或問送田畫秀才寧親萬州序春秋或問二首謝氏詩序

峽州至喜亭記與荆南樂秀才書與謝景

昭代叢書 丙集甫 增訂歐陽文忠公年譜 十 世楷堂

山書

戊寅寶元元年十一月改元公三十二歲

三月赴乾德是歲胥夫人所生子天送京西提點刑獄張

駕部七言古送琴僧知白離峽州後同寄元

珍表臣七言律襄州穀城縣夫子廟記游條

亭記荅孫正之第二書金部郎中贈兵部侍郎

郎閻公神道碑銘資政殿學士尚書戶部侍郎

薛公墓誌銘尚書屯田員外

郎李君墓表祭薛尚書文

己卯寶元二年公三十三歲
二月知制誥謝希深出守鄧州梅聖俞將宰襄城
與希深偕行五月公謁告往會畱旬日而還六

月復舊官權武成軍節度判官廳公事公自乾德

奉母夫人特次于南陽冬暫如襄城薛質夫墓誌銘

庚辰康定元年二月改元公三十四歲

春至滑州會范公復起經略陝西辟公掌賤奏時

天下久無事一旦西邊用兵士之負材能者皆欲

因時有所施為而范公以天下重名好賢下士故

士之樂從者眾公獨歎曰吾初論范公事豈以為

己利哉同其退不同其進可也遂辭不往公與聖俞簡云

安撫見辟不行非惟奉親避嫌而已從軍常事何

害奉親朋黨蓋世俗見指吾徒率有黨耶直以見

召代養書 石集甫 增訂歐陽文忠公年譜 世楷堂

召掌賤奏遂不去矣公
荅范公書亦見此意
六月辛亥召還復充館

閣校勘修崇文總目
十月轉太子中允
癸巳

同修禮書
十二月二十日詣通進司上書為三策

以料賊情又言四五十萬之人連年坐食關西已

重困一旦水旱必起為盜謹上便宜三事一曰通

漕運二曰盡地利三曰權商賈三術竝施以足財

用而紓西人然後賊可圖書凡四千餘言
是歲

子發生發字伯和少好學師事安定胡瑗得古樂

議自書契來君臣世系制度文物旁及天文地理
靡不悉究官至殿中丞宋史附公傳後
贈杜默

五言古
送任處士歸太原
通進司上皇帝書

龍圖辭辟命書
荅吳克秀才書
與刁景純學

士書
與陳員外書
張子野墓誌銘
祭謝希

文深
辛巳慶祿元年公三十五歲

五月庚戌權同知太常禮院以見修崇文總目辭

許之
八月乙酉許州對公事同依舊供職

十一月丙寅祀南郊攝太常博士引終獻

加騎都尉
己丑崇文總目成改集賢校理
哭曼卿五

言古
送孔秀才游河北
聖俞會飲七

言古
釋惟儼文集序
石曼卿墓表

召代
丙集甫
增訂歐陽文忠公年譜
世楷堂

壬午慶祿二年公三十六歲

正月丁巳考試別頭舉人 三月丙辰御試進士

應天以實不以文賦公擬進一首指陳時政之闕

賜敕書獎諭 四月丙子復差同知禮院 契丹

遣泛使求關南地宰相呂夷簡薦富弼報聘人皆

危之公上書引顏真卿使李希烈事乞留弼不報

五月有詔百官許上封章言事公上書言三弊

五事力陳當時之患 八月請外 九月通判滑

州 十月至 荅朱家捕蝗詩七言古 準詔言事

本論三首 為君難論二首 釋祕演詩集序

送曾鞏秀才序 御書閣記 畫舫齋記 翰

林侍讀學士給事 中梅公墓誌銘

癸未慶祿三年公三十七歲

仁宗思廣言路增諫官為四員擇用端鯁公首被

其選三月召還癸巳轉太常丞知諫院賜五品服

七月上言參知政事王舉正懦默不任事范仲

淹有相材請罷舉正而用仲淹從之洎范公與杜

韓富同輔政公屢請召對咨訪責以所為既而仁

宗降手詔出六條以責諸公又開天章閣召見使

其條對仲淹退而上十事弼亦上當世之務十餘條及安邊十三策公復上言仲淹等所奏必先絕僥倖因循姑息之事方能救數世之積弊恐姦邪時有讒沮則事不成宜力主張勿爲浮言所奪九月戊辰賜緋衣銀魚己巳同詳定國朝勳臣名次丙戌同修三朝典故十月戊申擢同修起居注公上言天下官吏旣多朝廷無由徧知其賢愚善惡乞立按察之法于內外朝官中選強幹廉明者爲之使至州縣徧見官吏其公廉勤幹

者及老病不才者皆以朱書于姓名之下其中材之人以墨書之歲具以聞詔從之仲淹弼因請詔中書樞密通選逐路轉運使皆兼領按察卽委使自擇知州知州擇知縣不任事者罷之于是張盥之王責沈邈施昌言李絢等皆與其選淮南轉運使呂紹寧進羨餘錢十萬公乞拒而不納以彰朝廷均恤外方防禦姦吏刻剝之意杜杞爲京西轉運使與蔡稟同治賊公言杞可獨任無用稟若不相叶同各出異見使諸將難從一失事機反

成敗誤兼聞稟處置多未合宜恐別致生變乞早
 抽回從之杞果遂平諸盜京西無事 澧州進柿
 木成文有太平之道四字公言今四海騷然未見
 太平之象又其文止曰太平之道者其意可推自
 古帝王致太平皆有道得道則太平失道則危亂
 今見其失未見其得願陛下憂勤萬務漸期致理
 其瑞木乞不宣示于外 十二月己亥召試知制
 誥公辭辛丑有旨不試直以右正言知制誥仍供
 諫職賜三品服 宋知制誥不試而授者楊文公陳
 文惠及公三人而已公既典制誥

九務敦大體初作勸農敕既出天下
 翕然人人傳誦王言之體遠復前古

丁未同詳

定編敕 立春祭西太一宮為獻官尋例賜紫章
 服 張美人方有寵因生皇女染綾羅八千疋公
 言當此苦寒歛冰染練供應艱辛况枉費財物不
 過支散與眾人中外譏議則陛下自受廣散何益
 又內降張氏親戚恩澤太頻皆可減罷極陳近年
 女寵驕恣以致禍敗欲愛惜保全張氏宜常令謙
 儉不至驕盈皆人所不敢言者 是歲元昊上書
 請和公力言不可許如乞集百官廷議乞以五問

詰大臣乞不遣張子奭使元昊論元昊不當稱兀

卒華言論元昊來人乞不賜御筵乞不令朝臣館

伴乞令龐籍與元昊力爭所占延州侵地乞密論

邊臣以西賊辭未遜順必不通和之意絕其顧望

早為準備論狄青使公用錢乞不根勘今用人之

際如青忠勇材武無三兩人豈可因些小公用錢

自將青等為賊拘囚又言方今急須良將及軍中

自可求將之法因事論列章十餘上大抵言和而

偷安利在日下和後大患伏而未發小人但欲偷

安無事因進其邪佞惑亂聰明古今人主憂勤小

人所不願惟斷自宸衷決定大義則社稷之福若

羌夷險詐雖和而不敢罷兵是空包屈就之羞全

無紓患之實若通和之後便忘發憤因循弛廢為

患轉深若北戎攬為已功過有邀求是暫息小患

于關西復生大患于河北不若勿和之愈 又奏

言禦盜四事一曰州郡置兵為備二曰選捕盜之

官三曰明賞罰之法四曰去冗官用良吏以撫疲

民使不起為盜 時陝西用兵久京東西盜賊羣

起中外騷然仁宗銳于求治公自入諫院感激恩
 遇知無不言每入對必為上分別君子小人切切
 無顧避人疾之如仇帝獨獎其敢言顧侍臣曰如
 歐陽修者何處得來讀張李二生文贈石先生七
 言古論乞令百官議事劄
 子論軍中選將劄子論乞不遣張子奭使元
 昊劄子論止絕呂夷簡暗入文字劄子乞主
 張范仲淹富弼等行事劄子論江淮官吏劄子
 論豐州瑞木乞不宣示外廷劄子論美入張
 氏恩寵宜加裁損劄子論西賊議和利害狀
 論西賊議和請以五問詰大臣狀謝知制誥表
 章望之字序送張唐民歸青州序王彥章
 畫像記蔡君山墓誌銘黃夢升墓誌銘

甲申慶祿四年公三十八歲

正月荆王元儼卒議者以國用不足請待豐年而
 葬公言儉葬古人之美節今避儉葬不冝節費畱
 喪而待有物之年非臣所知也若曰儉葬亦未能
 辦則言之太過今凡百用度不能節費處多獨于
 皇叔之身有所裁損傷陛下孝治之美且使四夷
 聞天子皇叔薨無錢出葬遂輕中國而動心仁宗
 然之有旨節減浮費而葬前公乞選差按察使
 糺舉州縣官吏而朝廷重于特遣惟詔諸路轉運
 使兼領按察轉運使多不才不能舉職按察空名

久而寢廢公奏言臣之前議本欲使者四出使天下棟然知朝廷賞善罰惡之意按文責實以救民急病譬農夫治田蒿萊蕪穢必先墾闢芟除待其成田然後以時耘耨冗濫之官蕪穢天下久矣必力行澄汰待百職粗治然後精選有司常令糾舉今特遣之使如久荒而芟闢也轉運兼按察乃以時之耘耨者耳寬猛疾徐各有所宜也漢時刺舉唐世黜陟使考課使之類歲歲遣出祖宗朝亦有考課院蓋按察升黜古今常法非異事也謹條陳

冗官利害六事以明利博效速而可行不疑王堯臣為三司使有為無名詩中傷之者公請嚴禁止之以絕小人流言搖動朝政之漸敕出賞錢官爵購募其人時上欲改更朝政小人不便故造作語言動搖及敕榜出自此遂絕以上二條奏狀目錄註慶祿五年詳味初石介作本文當在是年未奉使河東之前

慶祿聖德詩有曰眾賢之進如茅斯拔大姦之去如距斯脫其言大姦斥夏竦也竦深恨之遂與其徒造為黨論目公與范杜等為黨互相煽惑久而益熾公乃為朋黨論以進言君子以同道為朋小

人以同利爲朋然小人所好者利祿所貪者財貨當其同利之時暫相黨引以爲朋者僞也及見利而爭先或利盡而交疏則反相賊害君子則不然所守者道義所行者忠信所惜者名節以之修身則同道而相益以之治國則同心而其濟始終如一此君子之朋也故爲人君者但當退小人之僞朋用君子之眞朋則天下治矣三月庚午兼判登聞鼓院四月乙未押伴契丹賀生辰使御筵于都亭驛己亥命公使河東計度廢麟州及盜

鑄鐵錢并礬課虧額利害時陝西兵役之後河東困弊芻糧不足言者遂請廢麟州或請徙治合河津或請廢五寨公奏曰麟州天險不可失也麟州廢則五寨不可守五寨不守則府州爲孤壘矣往時賊猶在二三百里外五寨廢則夾河對岸皆其巢穴泛舟踐水終歲常憂寇至沿河州縣豈得晏然今若不減寨卒只于建寧畱一千人鎮川中墩百勝各畱五百餘兵徙屯清塞堡此堡最在近東屯兵可就保德軍請糧不煩輸運過河供饋有警

呼集則四寨相去百里亦不失應援兵既減糧自
不乏詔從之麟州遂得不廢 又建言忻代苛嵐
火山四州軍竝邊民田始潘美患虜時入寇乃使
民內徙空其地自後虜盜耕不已請募民賦田入
租歲可得三五百萬石一二歲間北界斛斗可以
不糴則邊民無爭糴引惹之害我軍無饑飽在敵
之害沿邊地有定主無爭界之害邊州自有粟則
內地之民無遠輸之害若棄而不耕他日必盡為
虜所有時并帥恥謀不自己沮撓久之其後卒如

公請 自西事後河東賦斂重而民貧道路嗟怨

公奏罷十數事疲俗以安 如乞罷和糴米
三司銀之類 七月

還京師 八月甲午保州軍叛天子念非公不能

定契丹盛兵雲州聲言討西夏朝廷疑其有謀議

選文武材臣密為經畫二府請輟公以往癸卯除

龍圖閣直學士河北都轉運按察使諫官蔡襄孫

甫請留公不許陛辭上面諭曰勿為久留計有所

欲言言之公曰臣在諫職得論事今越職而言罪

也上曰但言之勿以中外為間 保州賊平總管

李昭亮私取叛兵妻女通判馮博文等亦往往效

之公發博文罪置獄推勘亮恐懼立令送出自保

州事後河北兵驕少不如意即謀結集處處有之

上下務在姑息公乞假將帥權事從鎮重以銷未

萌河北卒無事九月三朝典故書成以公嘗預

編纂賜詔獎諭十一月南郊恩進階朝散大夫

封信都縣開國子食邑五百戶水谷夜行寄子美

守居園池七言古晉祠再至西都七言律

論張子爽恩賞太頻劉子乞與元昊約不攻論

葬荆王論湖南蠻賊可招不可殺劉子論水洛

城事宜乞保全劉滬劉子論任人之體不可疑劉子論

西賊占延州侵地劉子論按察官吏狀論禁止無名

耕禁地劉子再論論劉三四事狀論太子致仕

子傷毀近臣狀論劉三四事狀論太子致仕

州學記與尹師魯第四書太子太師致仕

司空兼侍中文惠陳公神道碑銘

尚書都官員外郎歐陽公墓誌銘

乙酉慶祿五年公三十九歲

正月真定帥田況移秦州公權府事者三月初保

州叛兵既降其脅從者二千餘人分隸河北諸州

富鄭公為宣撫使恐復生變欲委諸州同日誅之

公適移鎮與富公遇于內黃富公夜半屏人以告

公曰禍莫大于殺降昨保州叛卒朝廷許以不死
 今戮之矣此曹本以脅從故得免奈何一旦殺無
 辜二千人且非朝旨若諸郡不冝從事既參差則
 必生變是趣其為亂也且某至鎮州必不從命遂
 止時富公方大閱河北之兵譖者因曰富弼擅命
 專權自作威福已收河北軍情于是京師禁兵亟
 亦大閱多所升擢而富公歸至國門不得入遂罷
 知鄆州向微公力沮殺降之議禍且不測然則公
 一言不但活二千人命亦免富公于大禍也公外制集

序云明年秋余出為河北轉運使又明年春權知
 成德軍事按宋史慶祜四年八月以富弼為河北
 宣撫使五年正月罷以此知公與富公遇內黃當
 在是月也神宗實錄公本傳以宣撫使為夏竦恐
 不可從宋史田況傳言平保州況功最多以坑降
 卒晚得無子之報即公所云朝廷許以不死今戮
 之者契丹拘囚定州巡兵湯則侵過銀坊冶谷
 也

地界公上言銀坊險要若為其所侵則我腹背受
 敵此兵法必爭之地也況違誓約彼曲我直何故
 不爭臣見朝廷常有懼虜之色而無憂虜之心憂
 懼名近而實殊憂者深思竭慮而不敢暫忘懼者
 臨事惶惑而莫知所措今邊防措置多失其機由

懼虜之意過深也臣謂二虜勢非久相攻者一二年間不能相并則必復合合則必爲我患此深可憂宜舉材擇能早思禦備之策至于目今小事未銷過自怯懼虜侵我治谷雖立寨屋三十餘間然尙遲延未敢便貯兵甲湯則亦聞因而未敢殺朝廷宜速降嚴切指揮令邊臣以理爭辨旦夕之間機不可失 公在河北旣被朝廷委任之重悉力經營凡一路官吏能否山川地理財產所出兵糧器械教閱陣法一一別爲圖籍盡四路之事如在目前或問公曰公以文章儒學名天下而治此俗吏之事乎公曰吏之不職吾所媿也繫民休戚其敢忽乎奏置御河催綱司通致糧運以省入中之數邊州賴之于磁相二州置都作院以繕一路戎器旣究見河北利害本末乃一一條列徧貽書于執政將大爲經畫未盡行而公罷去 三月以杜范諸公相繼罷政慨然上狀曰杜衍韓琦范仲淹富弼天下皆知其可用之賢而不聞其可罷之罪自古小人讒害忠賢其說不遠欲廣陷良善則指

為朋黨欲動搖大臣則誣以專權益去一善人而眾善人尚在未為小人之利欲盡去之則善人少過惟指為朋黨則可盡逐大臣已被主知蒙信任難以他事動搖惟有專權是上之所惡方可傾之夫正士在朝羣邪所忌謀臣不用敵國之福也今此四人一旦罷去而使羣邪相賀于內四夷相賀于外竊為陛下惜之用事者深憾公會公孤甥張氏犯法龜正前妻之女四歲失父公妹攜之以歸既并公以嫁族子歐陽晟至是以失行繫獄諫官錢明逸因以劾公下開封鞫治府尹楊日

巖觀望傅會上命戶部判官蘇安世入內供奉官王昭明監勘實無他安世曰不如鍛鍊就昭明正色曰上令某監勘正欲盡公道爾鍛鍊何等語也公遂得免猶坐用張氏奩中物買田立歐陽氏券八月甲戌落龍圖閣直學士左遷知制誥知滁州

十月甲戌至滁州

是歲子奕生

奕字仲純太常寺丞班班

林間鳩寄內五言古 畱題鎮陽潭園 病中代書奉寄聖俞二十五兄七言古 初伏日招王幾道小飲 永陽大雪 席上送劉都官七言律 論兩制以上罷舉轉運使省府推判官等狀 論杜衍范仲淹等罷政事狀 論契丹侵地界狀 論滁州謝上表 外制集序 大理寺丞狄君墓誌

銘 南陽縣君謝氏墓誌銘
萬壽縣君徐氏墓誌銘

丙戌慶祿六年公四十歲

滁地僻而事簡公因其俗而善道之其設施井然
而與民不擾滁人愛公若父母焉州南百步許有
山曰豐山山勢一面高峯三面竹嶺山下一徑穿
入竹篠蒙密中豁然路盡遂得幽谷泉名引泉為池
作亭其上號豐樂亭州之西南曰琅琊山巖谷深
遠有溪自兩峯夾流而下曰釀泉公自號醉翁作
醉翁亭于泉上每暇日或獨游或攜賓客觴詠于

亭 滁人望公若神仙焉公之生滁人已為立祠而琅琊山五賢祠祀公

及州守王禹偁張方平曾鞏蘇軾至今猶在游
琅琊山五言古 讀徂徠集 幽谷亭 秋晚凝

翠亭 題滁州醉翁亭 幽谷晚飲 送章生東
歸七言古 啼鳥 百子坑賽龍 菱谿大石

豐樂亭記 醉翁亭記 菱谿石記 偃虹隄記
與曾鞏論氏族書 尚書戶部郎中曾公神道

碑 銘

丁亥慶祿七年公四十一歲

游琅琊山有詩曰洞門常自起煙霞洞穴傍穿透
谿谷朝看石上片雲陰夜半山前春雨足右歸雲洞空
山雪消谿水漲游客渡谿橫古槎不知谿源來遠

近但見流出山中花

右瑣 那谿

石屏自倚浮雲外石路

久無人跡行我來攜酒醉其下卧看千峯秋月明

右石 屏路

信馬尋春踏雪泥醉中山水弄清輝野僧不

用相迎送乘興閒來興盡歸

右班 春亭

公于斯時悠然

自得會心獨遠非惟負謗謫官不足為公累而胸

中浩然如此宜發為文章雍容敷愉而筆力高妙

迥出尋常人謂得江山之助信不虛也公與韓魏

公簡云構小亭于泉側理其傍為教場時集州兵

弓手閱其習射以警饑年之盜與梅聖俞簡云某

此愈久愈樂不獨為學之外有山水琴酒之適而

已小邦為政期年粗若有成固知古人不忽小官

有以也觀此二札知公平日畱心民事滁人安公

之政而樂從公游非然者欲獨享林泉之樂詎可

得哉其後有憶滁州幽谷詩云滁南幽谷抱千峯

高下山花遠近紅當日辛勤皆手植而今開落任

春風主人不覺悲華髮野老猶能說醉翁誰與援

琴親寫取夜泉聲在翠微中又贈沈遵詩有云翁

歡不待絲與竹把酒終日聽泉聲有時醉倒枕谿

石青山白雲為枕屏花間百鳥喚不覺日落山風
吹自醒公情深于滌已去數載惓惓不忘誦其詩
覺當年高致猶宛然在目也 十二月以南郊恩

加上騎都尉進封開國伯加食邑三百戶 是歲

子棐生 棐字叔弼邵康節先生高弟廣覽強記能
文詞二十一歲進士公薨代草遺表神宗

讀而愛之意公自作也知襄州蔡州皆有政聲官
至朝奉大夫右司郎中坐元祐黨籍廢宋史附公

傳後 重讀徂徠集五言古 拜赦 滄浪亭七
言古 豐樂亭小飲 希真堂 手種菊花十月始

開 贈無為軍李道士二首 紫石屏歌 送張
生七言律 琅瑯山六題七言絕 豐樂亭游春

三首 謝判官幽谷種花 送
楊真序 祈雨祭漢高皇帝文 山水琴

戊子慶秣八年公四十二歲

閏正月乙卯轉起居舍人依舊知制誥徙知揚州

二月庚寅至郡 公嘗語人曰治民如治病彼

富醫僕馬鮮明進退有禮按醫書述病症口辯如

傾聽之可愛然病兒服藥云無效不如貧醫無僕

馬舉止生疏不能應對病兒服藥云已愈則便是

良醫凡治人者不問吏才能否施設如何但民稱

便即是良吏故公為郡不見治迹不求聲譽以寬

簡不擾為意而所至民便既去民思揚州故大郡

多事公至數日事十簡五六比三月衙齋如僧舍
或問公為政寬簡而事不弛廢者何也曰以縱為
寬以略為簡則弛廢而民受其弊吾所謂寬者不
為苛急耳簡者不為煩碎耳識者以為知言

後歷南京

青州諸劇郡皆然建無雙亭于城東以州有瓊花一株

天下無雙也建平山堂于城西北據蜀岡臨邗江
名勝為淮南第一左右竹樹參天坐者忘暑公嘗
攜客堂中遣人走邵伯折荷花百朶插四坐以花
傳客飲酒往往載月而歸後數年公過揚州賦朝

中措詞云平山欄檻倚晴空山色有無中手種堂
前垂柳別來幾度春風文章太守揮毫萬字一飲
千鍾行樂直須年少樽前看取衰翁蓋不勝今昔

之感云揚州亦有公生祠 荅謝判官獨游幽

谷見寄七言律 別滁七言絕 海陵許

氏南園記 尹師魯墓誌銘 長壽縣太君李氏

墓誌銘 連處士墓表 祭尹師魯文 祭蘇子

文 己丑皇祐元年公四十三歲 正月丙午移知潁州 二月丙子至郡樂西湖之

勝將卜居焉 值歲凶奏免黃河夫役得全者萬

餘家修陂溉田民賴其利 四月丙戌轉禮部郎

中 八月辛未復龍圖閣直學士 是歲子辯生

辯字季默承議郎 荅呂公著見贈五言古 永

州萬石亭 伏日贈徐焦二生七言古 謝復龍

庚寅皇祐二年公四十四歲

七月丙戌改知應天府兼南京留守司事己酉至

府 十月己未明堂覃恩轉吏部郎中加輕車都

尉 是歲約梅聖俞買田于穎 聚星堂紫薇花五

言古 奉荅子華學士安撫江南見寄之作 寄聖俞七

言古 祈雨曉過湖上七言律 南京謝上表

桑憚傳 荅李大臨學士書 尚書主客郎中劉

辛卯皇祐三年公四十五歲

南京素號要會賓客往來無虛日一失迎候則議

論蜂起公在南京雖貴臣權要過者待之如一由

是造為語言達于朝廷時陳丞相 升之 安撫京東

因令審察是非陳公陰訪之民間得俚語謂公為

照天蠟燭還奏之 廬山高贈同年劉中允歸南康

東園 七言古 蘇氏文集序 真州

壬辰皇祐四年公四十六歲

三月壬戌丁太夫人憂歸潁州 四月起復舊官

公固辭許之 是歲有與十二姪通理簡云歐陽

氏自江南歸明累世蒙朝廷官祿吾今又被榮顯

致汝等竝列官品當思報效偶此多事如有差使

盡心向前不得避事至于臨難死節亦是汝榮事

但存心盡公神明亦自祐汝慎不可思避事也昨

書中言欲買硃砂來吾不闕此物汝于官下宜守

廉何得買官下物吾在官所除飲食物外不曾買

一物汝可觀此為戒也 蘇內翰軾題其後曰凡人勉强于外何所不至惟考

之其私乃見真偽此公與其弟姪家書也 又一簡云昔選人有陳奇者

舉主十六人仁宗見其未嘗歷選調特旨不改官

以戒馳騫者初官宜少安之 祭資政范公文

癸巳皇祐五年公四十七歲

八月護太夫人喪歸葬隴岡胥楊二夫人耐焉 二夫

人誌門人徐無黨焦干之秉筆 是冬復至潁州 七賢畫序 翰

諫議大夫贈工部侍郎張公墓誌銘 太常博士周君墓表

甲午至和元年 三月改元 公四十八歲

五月服闋除舊官職赴闕 六月癸巳入見仁宗
惻然怪公鬢髮之白問公在外幾年今年幾何恩
意甚至公求補外仁宗曰此中見人多矣爲小官
時則有何盡言名位已高則多顧藉如卿且未要
去 七月甲戌權判流內銓素忌公者恐將大用
乃僞爲公奏請汰內臣以激眾怒判銓甫六日有
選人胡宗堯當改官坐嘗以官舟假人經赦去官
法當循資公引對取旨上特令改官宦者楊永德
密奏曰宗堯翰林學士宿之子有司營救之私也
戊子遂出公知同州判吏部南曹吳充爲公辨明
不報知諫院范鎮一再極言上悟會參知政事劉
沆方提舉修唐書亦乞畱公遂止 八月丙午沆
拜相戊申詔公修唐書 上問公翰林學士有人
未沆曰見商量上曰歐陽修不止一好差遣亦好
一翰林學士便可替曾公亮九月辛酉拜公翰林
學士壬戌兼史館修撰又差勾當三班院上嘗問
公以唐學士院鈴索故事將議臨幸其于眷待之
意甚厚 十月乙巳朝饗景靈宮天興殿攝侍中

捧盤取水 十二月庚戌臘饗孝惠孝章淑德章

懷皇后廟攝太尉行事 送徐生之澠池七言古
去思堂手植雙柳今已成

陰因而有感七言律 謝宣召入翰林表 送徐
無黨南歸序 資政殿學士戶部侍郎文正范公

神道碑銘 尚書度支郎中天章閣待制王公神
道碑銘 兵部員外郎天章閣待制杜公墓誌銘

太常博士尹
君墓誌銘

乙未至和三年公四十九歲

仁宗嘗聞行舉首見御閣帖子讀而愛之問何人

作左右以公對即悉取皇后夫人諸閣中者閱之

見其篇篇有意歎曰舉筆不忘規諫真侍從之臣

也自是每學士院進入文書必問何人當直若公

所作必索文書自覽內官梁寔嘗為公言春帖子

詞云陽進升君子陰消退小人聖君南面治布政

法新春及溫成皇后閣帖子云君王念舊憐遺族

常使無權保厥家宮中人人能誦之 三月同孫

抃考試諸司寺監人吏 六月己丑上書論宰相

陳執中已而乞外改翰林侍讀學士集賢殿修撰

出知蔡州侍御史趙抃知制誥劉敞上疏留公七

月戊午復領舊職 八月辛丑假右諫議大夫充

賀契丹國母生辰使將持送仁宗御容會契丹主
 殂癸丑改充賀登位國信使以往契丹使其貴臣
 陳畱郡王宗愿惕隱大王宗熙竝契丹皇叔北宰相蕭
 知足蕃官中最高者尙父中書令晉王蕭孝友太皇太后弟來
 押宴曰此非常例以公名重故爾送伴使耶律元
 寧言自來不曾如此一併差近上親貴大臣押宴

十二月庚戌宿虜界松山

風吹沙七言古奉使道中作內直對月

寄子華舍人持國廷評七言律論臺諫官言事未蒙聽允書太尉文正王公神道碑銘觀文殿大學士行兵部尙書西京畱守贈司空兼侍中晏公神道碑銘尙書屯田員外郎張君墓表

丙申嘉祐元年

九月改元公五十歲

二月甲辰使還進北使語錄

公未使北時河患

方急賈昌朝欲開橫隴故道回河使東陳恭公當
 國主其議公上疏言其不可未幾恭公罷新宰相
 用李仲昌議欲開商胡入六塔河公復上疏爭之
 其事中止及使還方大興六塔之役公極言河水
 重濁理無不淤下流既淤上流必決今六塔功大
 難成雖成欲其久遠不決必無是理況六塔狹小
 不能容受大河以全河注之必橫流散溢濱棣德

博齊州之界咸被其害不若因水所趨增治隄防
疏其下流浚之入海則河無決溢散漫之憂數十
年之利也不聽河纔成而決

按通鑑河決在四月

溺兵夫漂

芻藁不可勝計河北被害者數千里仲昌等流竄
遠方悉如公所料 閏三月丁亥判太常寺兼禮
儀事孟夏薦饗攝太尉行事 五月癸未知通進
銀臺司兼門下封駁事 乙未免勾當三班院

六月甲子奉敕祈晴醴泉觀時雨壞太社太稷壇
詔羣臣實封言闕失七月公上言陛下臨御三十

餘年而儲宮未建此久闕之典也昔漢文帝從羣
臣言早建太子享國長久爲漢太宗後唐明宗儲
嗣不早定而秦王以窺覬陷于大禍後唐遂亂可
以爲鑒又狄青爲樞密使上不豫訛言籍籍公言
武臣掌樞密而得軍情不惟于國不便鮮不以爲
身害請出之外藩以保其終始遂罷青知陳州

八月知益州張方平除三司使甲子詔公權發遣
三司公事以俟其至而命李淑代知銀臺司 乙
亥車駕詣景靈宮朝拜天興殿充贊導禮儀使又

朝謁真宗及章懿太后神御殿攝太常卿 九月

辛卯大慶殿行恭謝禮為贊引太常卿禮成加上

輕車都尉進封樂安郡開國侯加食邑五百戶

十一月賈昌朝為樞密使公言其人好陰謀陷害

良士小人朋附樂為其用前在相位累害善人所

以聞其復來望風畏恐乞早罷還之舊鎮 十二

月押伴契丹賀正旦人使御筵于都亭驛 鳴蟬賦 醉翁

吟琴操 贈沈遵七言古 吳學士石屏歌 盤

車圖 寄題梅龍圖滑州溪園七言律 贈王介甫 論水災疏 論狄青劄子 論賈昌朝除樞密使劄子 論修河第三狀 議學狀 湖州長

史蘇君墓誌銘 祭程相公文

丁酉嘉祐二年公五十一歲

正月癸未權知禮部貢舉賜御書文儒二字乙巳

磨勘轉右諫議大夫時士子尚為險怪奇澁之文

號太學體公痛排抑之凡如是者輒黜畢事向之

器薄者伺公出聚謀于馬首街邏不能制然場屋

之習從是遂變文格漸以復古公之力也是歲進

士若蘇軾蘇轍曾鞏皆以文章名天下程顥張載

朱光庭呂大鈞竝為名儒貢舉得人之盛獨絕前

昭代叢書 丙集補 增訂歐陽文忠公年譜 五 世楷堂

後而禮部奏名御試賜及第出身有差不復黜落亦自此始至今永為定制 公自記云余與端明韓子華翰長王禹玉侍讀范景仁龍圖梅公儀同知貢舉辟梅聖俞為小試官凡鎖院五十日六人者相與唱和為古律詩歌一百七十餘篇集為三卷禹玉余為校理時武成王廟所解進士至此新入翰林與余同院又同知貢舉故禹玉贈余云十五年前出門下最榮今日預東堂余荅云昔時叨入武成宮曾看揮毫氣吐虹夢寐閒思十年事笑談今此一樽同喜君新賜黃金帶顧我宜為白髮翁也天聖中余舉進士國學南省皆忝第一人薦名其後景仁相繼亦然故景仁贈余云澹墨題名第一人孤生何幸繼前塵也聖俞自天聖中與余為詩友余嘗贈以蟠桃詩有韓孟之戲故至此梅贈余云猶喜共量天下士亦勝東野亦勝韓而子華筆力豪贍公儀文思溫雅而敏捷皆勁敵也前此為南省試官者多窘束條制不少放懷余六人者歡然相得羣居終日長篇險韻眾製交作筆史

疲于寫錄僮隸奔走往來間以滑稽嘲諷形于風刺更相酬酢往往烘堂絕倒自謂一時盛事前此未之有也 三月癸卯為狄青發喪苑中攝太常

卿 六月丙寅福康公主進封充國公主七月壬午命公攝禮部侍郎以印綬冊使乙未兼判尚書禮部上言人之常情莫親于父子陛下向雖未有

皇嗣尙有公主之愛上慰聖顏今既出降深宮之中萬幾之暇誰可與語言承顏色宜因此時選宗室材賢可喜者使出入左右問安侍膳以慰悅聖

情未即立為儲貳而且養為子既可以徐察其賢否亦可以待皇太子之降生今其時矣 九月己卯兼判祕閣祕書省 十一月辛巳權判使館

丙申權知審刑院候胡宿回依舊辛丑免 十二月辛亥權判三班院 癸亥權奉安明德元德章

穆三后御容于啟聖院車駕行酌獻禮充禮儀使 是月押伴契丹賀正旦人使御筵于都亭驛

俞莫登樓七言古 答聖俞莫飲酒 思白兔雜言 戲荅公儀憶鶴之作 戲荅聖俞 贈沈博士歌 于劉功曹家見楊直講女奴彈琵琶戲作 呈聖俞 戲書七言律 出省有日書事 和較

召代樓書 丙集甫 增訂歐陽文忠公年譜 世楷堂

藝將畢 論選皇子疏 論契丹求御容劄子
 禮部唱和詩序 鎮安軍節度使同中書門下平
 章事贈中書令諡文簡程公墓誌銘 孫明復先
 生墓誌銘 尚書工部郎中歐陽公墓誌銘 太
 子太師致仕杜祁公墓誌銘
 河南府司錄張君墓表 人刻歐陽文忠公

戊戌嘉祐三年公五十二歲

正月壬午上幸興國寺及啓聖院朝謁太祖太宗

神御殿攝太常卿 二月癸卯契丹遣使告其國

母哀命公館伴 三月辛未兼侍讀學士以員多

固辭不拜 癸未充宗正寺同修玉牒官 甲午

同陳旭考試在京百司等人 六月庚戌兼龍圖

閣學士權知開封府前尹包公以威嚴御下名震

都邑公簡易循理不求赫赫之譽或以少風采爲

言公曰人材性各有短長今舍所長強其所短以

狗俗求譽我不能也既而都下事無不治至寵貴

犯禁令多求內降苟免公上奏論列乞今後求內

降以免罪者更加本罪二等內臣梁舉直私役官

兵付開封府取勘既而內降放罪凡三次內降公

終執而不行 送朱職方提舉運鹽五言古 送宋

四時樂分得春夏二首 浮槎山水記 忠武軍
節度使同中書門下平章事武恭王公神道碑銘

祭吳
尙書文

己亥嘉祐四年公五十二歲

正月奏府界剗開孟陽新河村民所掘墳墓屍首
骨殖布在新河兩岸其莊宅屋宇累世安居一旦
毀拆全家露坐冤痛之聲聞于遠近殃及幽明可
憫可駭兼體問得所開新河有害無利下原高仰
水勢難行且三道減水盡聚一河必有決溢之虞
乞差朝臣相度未開三料更不開掘卻移夫役修
整舊河其元獻利之人與從初檢計壕寨官吏蒙
昧朝廷竝下開封取勘所貴少謝枯骨兼慰生人

有司以常例張燈公奏言上元放燈不出典禮
况方正旦日蝕避殿減膳聖心憂畏中外所知立
春以來陰寒雨雪小民失業坊市寂寥薪炭食物
其價增倍乞特罷放燈所有供擬游幸及修道路
寒凍兵士竝乞放罷以副陛下畏天憂民之心從
之 二月戊辰免開封轉給事中同提舉在京諸
司庫務 是月充御試進士詳定官賜御書善經
二字 四月丁卯奏告今冬太廟行祫饗之禮癸

酉孟夏薦饗竝攝太尉行事 丙子兼充羣牧使

六月甲申刪定景祐廣樂記 九月丁酉奉敕

祈晴相國寺 十月壬申車駕朝饗景靈宮癸酉

裕饗太廟竝攝侍中行事丁丑加護軍食實封二

百戶 是歲奏近年史館撰述簡略遺漏百不存

一弊在修撰之官惟據諸司供報而不敢書所見

聞又自古人君不自閱史今撰述既成必錄副本

進呈則事有諱避又承前積滯相因纂錄者追修

累年前事歲月既遠遺失莫存若不革其弊史官

永無舉職時矣乞特詔修時政記起居注之臣竝

以德音宣諭臣下奏對之語書之編次除目竝須

考驗事實其除某官者以某功貶某職者坐某罪

使聖朝賞罰之典可以勸善懲惡昭示後世若大

臣用情朝廷賞罰不當者亦得以書爲警戒歲終

命監修宰相親至史院檢點有不勤其事隳官失

職者奏行責罰其時政記起居注日秣等竝乞更

不進本所貴少修史職從之 撰毛詩本義成其

論詩曰察其美刺知其善惡以爲勸戒所謂聖人

之志者本也因其失傳而妄自爲之說者經師之末也學者得其本而通其末斯盡善矣得其本而不通其末闕其所疑可也又曰先儒于經不能無失而所得多矣盡其說而理有不通始爲辨正不當過求聖人之意以立異于先儒也

以卷首公自題官知在是

年 自唐太宗詔名儒撰定九經註疏號曰正義學者奉爲宗師公病其書駁雜因奏言讖緯之書

淺俗誣怪悖經妨道凡諸書及傳疏所引請一切

削去之以無悞後學仁宗命國子學官取諸經正

義所引讖緯之說逐旋寫錄奏上時欵政者不甚

主之竟不行

公劄子不注年月呂氏家塾記云公在翰林日建言姑附于此秋聲賦

直講五言古

夜聞風聲有感奉呈原父舍人聖俞

言 明妃曲和王介甫作

再和明妃曲唐崇

下第 論包拯除三司使上書

論史館日秣狀

使同中書門下平章事贈大師中書令程公神道

碑銘 尚書戶部侍郎參知政事贈右僕射文安

王公墓誌銘 資政殿大學士尚書左丞贈吏部

尚書正肅吳公墓誌銘 右班殿直贈右羽林將

軍唐君 墓表

庚子嘉祐五年公五十四歲

昭弋彙書

內集補

增訂歐陽文忠公年譜

五

世楷堂

四月丁卯孟夏薦饗太廟攝太尉行事 癸未梅

聖俞卒聖俞與公交最深元年以公薦補國子監

直講既歿家素貧公贖錢于諸公得錢數百千置

義田以恤其家且乞錄其子增公于故人子加意

振掖尹師魯之子構孫明復子大年皆以公薦授官不獨增也為之作詩集序惜其不得

用于朝廷作為雅頌薦之清廟乃徒發于蟲魚物

類羈愁感歎之言世徒喜其工不知其窮之久而

將老低徊惋惜情文兼至公于聖俞力所能及豈

有靳哉王荆公哭聖俞詩云貴人憐公青兩眸吹

噓可使高岑樓坐令隱約不見收空能乞錢助饋

餽以刺當時用事者或乃云此語為公設誤矣詩序

云今年五十猶從辟書為人之佐是聖俞尚在也

後又云聖俞以疾卒于京師一篇之中自相矛盾

何耶公于舊作多所改定疑後人編輯偶失檢點

取原本與改本誤合為一目錄注慶祿六年則皆

非也七月戊戌上新修唐書二百五十卷庚子推

賞轉禮部侍郎初奉敕撰唐書專成紀志表而列

傳則宋公祁所撰朝廷恐其體不一詔公看詳令

刪為一體公雖受命退而曰宋公于我為前輩且

人所見不同豈可悉如己意于是一無所易書成

奏御舊制惟列官最高者一人公官高當書公曰
宋公于傳功深而日久豈可掩其名而奪其功于
是紀志表書公名而列傳書宋公宋丞相詳聞之
歎曰自古文人好相凌掩此事前所未有也其于
禮樂志發明禮樂之本言前世治出于一而禮樂
達于天下後世治出于二而禮樂爲虛名五行志
不書事應悉破漢儒災異傳會之說皆出前人所
未至詳八月奏言今之馬政皆因唐制而馬少于
唐者唐世牧地皆與馬性相宜今其地沒入蕃界
惟河東嵐石之閒及汾河之側草軟水甘最宜牧
養此乃唐樓煩監地也可以興置一監若推迹而
求之則天池元池三監之地尙冀可得又往年因
奉使嘗行威勝以東及遼州平定軍山川深峻水
草甚佳其地高寒必宜馬性又京西唐汝之閒荒
地亦廣請下河東京西轉運司遣官審度若可以
興置新監則河北諸監內有地不宜馬處卻議行
廢罷又宜不惜金帛以招誘蕃部若券馬利厚來
者必多于其多中時得好馬然招誘之方事非一

體乞特遣官至邊訪問利害以此三者參酌商議

庶不倉卒輕為改更九月丁亥兼翰林院侍讀

學士

公在翰林已七年士大夫相語以富鄭公真宰相胡侍講真先生包孝肅真中丞公真翰

林學士時謂之四真

十月庚午下元節車駕朝拜景靈宮

天興殿朝謁真宗及章懿太后神御殿攝侍中

十一月辛丑拜樞密副使加食邑五百戶食實封

二百戶甲寅同修樞密院時政公在密院與曾魯

公

公亮悉力振舉紀綱革去宿弊大考天下兵數

及三路屯戍多少地理遠近更為圖籍之法兵防

久闕屯守者大加蒐補數月之間機務浸理先

是朝廷置均稅司差官分往河北陝西議者多言

不便公奏言均稅非以規利本以便民蓋只以見

在稅數量輕重均之初不令其別生額外之數也

近聞衛州通利軍括出民冒佃田土不予見在管

催數內均減重者攤與冒佃戶卻別生令稅數配

之此非朝廷本意又聞澶州諸縣將祥符景德以

前遠年椿管虛數並攤與見今人戶又聞以地肥

瘠定為四等其下等田並一例均攤與稅謂此雖

不可耕種尙可煎鹽河北之民自祖宗以來蒙賜
恩郵放行鹽不禁只令據鹽斤兩納稅今煎鹽者
已納鹽稅又令更納田稅豈祖宗所以惠河北民
之意又聞河南不殖之地係禁鹽地分者亦均攤
與稅又不知使民何以納也伏望特賜指揮將生
立稅數及遠年虛數竝與放免未均地分竝且罷
均無使俗吏貪功希賞為國歛怨
契丹賀正旦人使御筵于都亭驛
奉荅原交九月
入日見過會飲

兼侍讀贈右諫議大夫孫公墓誌銘
海郡君王氏墓誌銘 祭梅聖俞文

辛丑嘉祐六年公五十五歲

三月戊申侍上幸後苑賞花華景亭釣魚涵曦亭
遂宴太清樓 四月諫官唐介趙抃臺官范師道
呂誨王陶皆以言事被黜公言介等久在言職其
人立朝各有本末前後補益甚多況斥逐諫臣非
朝廷美事阻塞言路不為國家之利望特賜召還
以勸守節敢言之士其後介等竝復進用 閏八
月辛丑轉戶部侍郎參知政事進封開國公加食

邑五百戶食實封二百戶公辭轉官許之 九月

庚申同修中書時政記時韓魏公琦當國每諸公

聚議事有未可公未嘗不力爭而韓公亦欣然忘

懷以此與公相知益深與曾魯公三人同心輔政

百官奉法循理朝廷稱治初百司所行兵民官吏

財用之類皆無總數中書一有行移則下有司纂

集公因暇日盡以中書所當知者集為總目一日

上有所問宰相以總目對公以祀假家居上遣中

貴人就中書閣子取而閱之 十二月丙戌臘饗

太廟攝太尉行事

論臺諫官唐介等宜早牽復劄子 廖氏文集序 內制集序

胡先生墓表 梅聖俞墓誌銘

壬寅嘉祐七年公五十六歲

正月己酉朔大慶殿朝賀攝侍中承旨宣制 三

月乙卯祈雨南郊攝太尉行事 辛酉提舉三館

祕閣寫校書籍同譯經潤文 四月壬午上嘉祐

編敕 七月庚戌充明堂鹵簿使 前公在侍從

再上疏請選立皇子以固天下根本言甚激切及

在政府司馬光呂誨各有疏論及明日公奏事垂

拱殿讀二章畢遂力贊其議英宗居濮王憂始起復知宗正寺公與韓公同奏此大事不可中止乞陛下斷在不疑仍乞自內中批出臣等奉行仁宗曰此事豈可使婦人知只中書行可也命既出而英宗前後十餘讓服除猶堅臥稱疾一日奏事仁宗前顧問之際公獨進曰宗室自來不領職事今外人忽見不次擢此子又判宗正皆知陛下將以爲子不若遂正其名緣防禦使判宗正用誥敕宗實得以堅卧不受若立爲皇子只煩陛下命學士作一詔書告報天下事卽定矣不由宗實受不受也仁宗沈思久之顧韓公曰如此莫亦好否韓公力贊之八月遂降詔書立宗實爲皇子賜名曙初公擇日旁十字請仁宗點之其最下一字卽今名甫半載而仁宗大漸中外帖然微公與韓公協定大計禁中夜半出寸紙宗社安危未可知也九月戊申文德殿奏請致齋攝侍中奏中嚴外辦己酉朝饗景靈宮庚戌朝饗太廟竝攝司徒辛亥大饗明堂己未進階正奉大夫加柱國仍賜推忠佐

聖御書又幸寶文閣親飛白書分賜羣臣公得雙
幅大書歲字下有御押加以御寶王珪夾題八字
云嘉祐御札賜歐陽修仍于絹尾書翰林學士臣
王珪奉聖旨題賜名又出御製觀書詩一首令羣
臣屬和遂宴羣玉殿庚子再召近臣及三館臣僚
觀三朝瑞物太宗真宗御集次赴寶文閣御飛白
書賜公金花牋字復宴羣玉殿後數日公以狀進
書謝 是月押伴契丹賀正旦大使御筵于都亭

驛集古錄目序 與蔡君謨求書集古錄序書

癸卯嘉祐八年公五十七歲

上元夜賜中書樞密院御筵于相國寺羅漢院是
日韓曾二公樞密張太尉皆在假不赴惟公與西
廳趙侍郎槩副樞胡諫議宿吳諫議奎四人在席
酒半相顧四人者皆同時翰林學士相繼登二府
前此未有也因相與道玉堂舊事為笑樂遂皆引
滿劇飲詫為一時盛事 二月乙亥奉敕充沈貴
妃冊禮使三月仁宗崩 不及行禮 四月壬申英宗即位甲

召代後書 增訂歐陽文忠公年譜 世楷堂

戊奉敕書大行皇帝哀冊謚寶甲申覃恩轉戶部
侍郎進階金紫光祿大夫加食邑五百戶食實封
二百戶仍賜推忠協謀佐理功臣乙酉奉敕篆受
命寶其文曰皇帝恭膺天命之寶 五月戊辰爲
皇帝祈福于南郊攝太尉行事時帝有疾未親政
曹太后御內東門小殿垂簾帝疾益甚舉措或改
常度遇宦者尤少恩左右多不悅乃其爲讒間兩
宮遂成隙內外洶懼一日公與韓公奏事簾前太
后嗚咽流涕具道所以韓公曰此病故耳病已必

不然子疾母可不容之乎后意不解公進曰太后
事先帝數十年仁德著于天下昔溫成之寵太后
處之裕如今母子間反不能容耶后意稍和公復
曰先帝在位久德澤在人故一日晏駕天下奉戴
嗣君無敢異同者今太后一婦人臣等五六書生
耳非先帝遺意天下誰有聽從后默然久之韓公
進曰臣等在外聖躬若失調護太后不得辭其責
后驚曰是何言我心更切也帝疾至七月始瘳公
與韓公彌縫母子鎮安內外卒復明辟兩宮睦然

公之危言密議忠力爲多。樞密使闕人公以次當拜一日待漏院中見韓曾三公耳語公覺其意問曰得非樞密院闕人而某當次補乎三公曰然公曰此大不可今天子諒陰母后垂簾事之得失人皆謂吾輩爲之耳今如此則是三大臣自相位置何以服天下三公大然之遂起富鄭公爲樞密使後鄭公與張康節昇同罷樞密英宗復欲用公公力辭不拜。七月戊申押伴契丹祭弔人使御筵于都亭驛時契丹降人韓皋謨者自言太叔

耶律重元使來言太叔謀取其國乞中國出兵爲應二府會議其事時有意主之者將議從之公爭曰中國待夷狄宜以信義爲本奈何欲助其叛亂使事不成得以爲辭主議者大笑曰迂儒迂儒公力爭之不已遂止旣而重元兵敗自殺。八月癸巳奉敕篆大行皇帝謚寶其文曰神文聖武明孝皇帝之寶。十月乙酉增修太廟成命告七室。十二月庚午押伴契丹賀正旦人使御筵于都亭

驛

赴集禧宮祈雪追憶從先皇駕幸泫然有感七言律

跋永城縣學記

書荔枝譜後

召七

可集補

增訂歐陽文忠公年譜

五

世楷堂

鼓文

甲辰英宗治平元年公五十八歲人野圃
四月甲午奉敕祈雨社稷閏五月戊辰特轉吏部侍郎公固辭不允八月辛丑奉敕祈晴太社內侍任守忠于仁宗季年建議欲援立昏弱及帝有疾又離間兩宮司馬光呂誨交章論之帝納其言翼日韓公出空頭敕一道公已簽趙槩難之公曰第書之韓公必自有說既而韓公坐政事堂召守忠立庭下曰汝罪當死遂責斬州安置取空

頭敕填與之即日押行韓公意以稍緩則中變也其黨史昭錫等悉竄南方中外快之十二月壬子押伴契丹賀正旦人使御筵于都亭驛是歲有上言乞將南省考試舉人各以路分糊名于逐路每十人解一人者公言國家舊制不問東西南北惟材是擇糊名謄錄使主司莫知爲何方之人誰氏之子其無情如造化至公如權衡不可易之制也今欲改法使多取西北進士不知四方風俗異宜人性各有利鈍東南好文故進士多而經學

少西北尚質故進士少而經學多但論進士則多
少不等若以經學合而較之則其數均耳今東南
取解者二三千人處只解二三十人蓋已痛裁抑
之西北取解至多處不過百人而所解至十餘人
比之東南十倍假借若至南省又減東南而增西
北則是已裁抑者又裁抑之已假借者又假借之
東南之士初選已精故至南省所試多合格西北
之士學業不及東南初選又濫故至南省所試多
不合格今若一例以十人取一人則東南合格而

落者多西北不合格而得者多取舍顛倒能否混
淆大不可也且言事者本欲多取諸路士著之人
若此法一行則寄應者爭趨而往是法出而姦生
也議者又謂西北近虜士要牢籠此甚不然使不
逞之人不能為患則已苟可為患則何方無之豈

專西北矧貢舉所設本待材賢牢籠不逞當別有

術不在科場也攝事齋宮偶書七言律 集禧謝

跋晉王獻之法帖 跋唐華陽頌 跋唐華嶽題

名 跋唐甘棠館題名 跋唐李德裕平泉草木

乙巳治平二年公五十九歲

正月三上表乞外任不允 四月辛丑景靈宮奉
安仁宗御容車駕行酌獻之禮攝侍中 英宗既
釋服始詔議崇奉濮王典禮司馬光建議濮王宜
準先朝封贈期親尊屬故事尊以高官大國譙國
襄國仙游竝封太夫人中書以贈官改封當降制
行冊命制冊當曰某親某官某未審濮王稱何親
及名與不名乃再下其議王珪等議濮王于仁宗
爲兄于皇帝宜稱皇伯而不名公引喪服記爲人

後者爲其父母降服三年爲期而不沒父母之名
以見服可降而名不可沒也若本生之親改稱皇
伯歷考前世皆無典據進封大國則又禮無加爵
之道請下尙書集三省御史臺議而太后手詔詰
責執政帝乃詔曰如聞集議不一權宜罷之令有
司博求典故以聞 六月孫長卿除河東轉運使
臺諫論奏不已上曰已行之事何可改公奏曰臣
等不爲已行難改若果除授不當能用臺諫之言
改正足以上彰陛下從諫之聖臣等能不遂非而

服義亦是好事但以長卿除授不爲過當若曲從臺官之言使彼銜冤受黜于理豈安故難行也上又曰人言臺諫奪權公奏曰此則爲陛下言者過也朝廷置臺諫官專爲言事若使默然卻是失職苟以言事爲奪權則臺諫無職可供矣八月以雨水爲災待罪三上表乞避位不允十四日獨對崇政殿上面諭曰參政性直不避眾怨每見奏事時或與二相公有所異同便相折難其語更無回避亦聞臺諫論事往往面折其短若似奏事時

語可知人皆不喜也今後宜少戒此公對曰臣以愚拙敢不如聖訓然公天資素剛機穽在前觸發之不顧嘗稱故相王沂公之言曰恩欲歸己怨使誰當雖屢被謗讒而勁正之性終不少貶九月辛酉提舉編纂太常禮書百卷成詔名太常因革禮賜銀絹僧官闕人內臣陳承禮以寶相院僧慶輔爲請內降從之舊有著令僧官必試而補諸公相與執奏其事公進言曰補一僧官至爲小事但內降銜改先朝著令內臣干撓朝政此事何可

啟其漸又奏曰宦女近習前世常患難于防制此
一小事陛下不以為意而從之彼必自張以謂為
上親信朝政可迴外邊威執不小矣若後有大事
以害政不從是初欲姑息而反成怨望不若絕之
于漸英宗欣然嘉納十一月庚午車駕朝饗景
靈宮辛未饗太廟壬申祀南郊攝司空行事進階
光祿大夫加上柱國食邑五百戶是歲奏西邊
事宜言邊地東起麟府西盡秦隴長二千餘里分
為路者五路分為州軍者二十四皆須列兵而守

吾兵既分雖多亦寡而賊常舉其國眾合聚為一
而來以彼之多擊吾之寡不得不敗也我欲合而
出攻則懼後空而無備欲各畱守備而合其餘則
數少不足以出攻進不能攻退不能守此往年已
驗之失也今誠能反其失則我當先定出攻之計
凡出攻之兵勿為大舉我每一出彼必呼集而來
拒彼集于東則別出其西我歸彼散則我復出而
彼又集我以五路之兵番休出入使其一國之眾
聚散奔走無時暫停則無不困之虜矣至諒祚之

所為宜少屈意含容以驕其心嚴戒五路訓兵選
將利器甲畜資糧常具軍行之計待其反書朝奏
則王師暮出以駭其心而奪其氣使其支吾不暇
則勝執在我矣蓋公自元昊初叛以迄諒祚擾邊
章奏數十上每思用奇制勝力詆和議之非凡碑
誌記序諸文每觸西事輒淋漓感激不能自已以
臨邊日少其功不若韓范之烈而請纓雪恥感時
憂國之意時時見于文辭讀者可以悲其志矣寄渭

州王仲儀龍圖七言律
言西邊事宜第二劄子

言西邊事宜第一狀
仁宗御集序 相州書

錦堂記 徂徠
石先生墓誌銘

丙午治平三年公六十歲

正月太后手詔中書宜尊濮王為皇夫人為后皇
帝稱親帝下詔謙讓不受尊號但稱親即園立廟
以王子宗樸為濮國公奉祠事時論以謂太后之
追崇及帝之謙讓皆中書謀也于是呂誨等劾韓
琦專權導諛指公首倡邪說公奏言儀禮為人後
者為其父母報開元開寶禮國朝五服年月喪服
令皆云為人後者為其所生父母齊衰不杖朞蓋

以恩莫重于所生故父母之名不可改義莫重于所後故寧抑而降其服此聖人所制之禮以為萬世法者也夫無子者得以宗子為後是禮之所許然安得無父而生之子以為後乎聖人不諱無子者立人之子以為後亦不諱為人後者有父而生今議者欲以為人後之故使一旦反視父母若未嘗生我者其絕之已甚矣使真絕之與是非人情也迫于義而偽絕之與是仁義者教人為偽也中書之議本謂稱皇伯無稽而禮經有不改父名之

義方議名號猶未定故尊崇之禮皆未及議而言事者便引漢去定陶國號立廟京師之事厚誣朝廷以為干亂大統何其過論也乞下詔明告中外

以釋羣疑公又三上表求外任不允孫謙益云公著濮議一卷

力辯英廟本無固必寧以一身而當眾怒深得善則稱君過則稱己之義此語似知公而未盡蓋公真以稱親為不可易非知其過而吝于改也七月癸酉薦饗太廟攝

太尉行事 九月奏言近年進賢之路太狹朝廷用人自兩制選居兩府自三館選居兩制是三館者輔相養材之地也材既難得而難知故當博採

廣求而多畜之時冀一得于其閒則傑然而出為名臣矣餘亦不失為佳士也往時入三館有三路進士五人以上皆得試館職第一人及第不十年即至輔相今第一人兩任方得試而第二人以下無復得試是高科一路塞矣往時大臣薦舉即召試今止令上簿候闕人乃試而館閣人無員數無有闕時是薦舉一路又塞矣惟有因差遣例除一路半是年勞老病之人此所謂進賢路狹也因命韓琦曾公亮趙槩及公各舉五人皆令召試琦等

以人多難之帝曰苟賢豈患多也其後中選者往

往在清近多至大用 按奏事錄此係二年八月十四日崇政殿面對然公有劄子在奏議集則非止面對也綱

目編三年九月今從之 十二月甲午奉敕

篆皇帝尊號寶其文曰體乾膺祿文武廣孝皇帝

之寶 乙巳押伴契丹賀正旦人使御筵于都亭

驛 三月赴宴口占七言律 蘇主簿挽歌 乞補官職劄子 又論館閣取士劄子 議濮安懿王典禮劄子 為

後或問二首

丁未治平四年公六十一歲

正月丁巳神宗即位戊辰覃恩轉尙書左丞進階

特進加食邑五百戶食實封二百戶仍賜推忠協

謀同德佐理功臣 二月第三子棐登進士第

御史蔣之奇以飛語污公先是公婦弟薛宗孺以

罪被劾公言不可以臣故僥倖乞特不原宗孺坐

免官而憾公切齒造帷簿不根之謗展轉達于中

丞彭思永思永以告之奇之奇即上章劾公公杜

門請付有司按治帝使詰思永之奇問所從來二

人詞窮皆坐黜帝遣中使朱可道賜御札慰安公

公力求去三月壬申除觀文殿學士轉刑部尚書

知亳州改賜推誠保德崇仁翊戴功臣 閏三月

辛巳宣簽書駐泊公事陞辭乞便道過潁少畱許

之 五月甲辰至亳 郡齋書事寄子履七言律
書懷 薦司馬光劄子 乞

罷政事第三表 亳州謝上表 歸田錄序 仁

宗御飛白記 贈刑部尚書余襄公神道碑銘

故霸州文安主簿蘇君墓誌銘 贈太

子太傅胡公墓誌銘 祭石曼卿文

戊申神宗熙寧元年公六十二歲

是歲連上表乞致仕不允 八月乙巳轉兵部尚

書改知青州充京東東路安撫使 九月丙申至

青 十一月丁亥郊祀恩加食邑五百戶食實封

昭代叢書 增訂歐陽文忠公年譜 世楷堂

二百戶

是歲築第于穎

昇天檜七言古

表海亭七言律

亳州乞致仕第二表

端明殿學士

蔡公墓誌銘

集賢校理丁君墓表

己酉熙寧二年公六十三歲

三月內侍王延慶便道傳宣撫問仍賜香藥一銀合又遞賜新校定前漢書以公嘗預刊定也 冬

乞壽州便私計不允 是歲奏寬沙門島刑名設

法減其人數賴以全活者甚眾 蔣之奇兄之儀

知臨淄縣為二司所不喜力欲壞之意公必憾之

奇因以屬公公察其實無他力保全之公每自言

平生為學所得惟平心無怨惡為難故于事未嘗

挾私喜怒以為意雖嘗出死力擠陷公者他日遇

之中心坦然無纖芥不足之意嘗曰孔子言以直

報怨夫直者是之為是非之為非是非付之至公

則是亦不報也初貶滁州由錢明逸還朝屢同飲

宴不以為嫌及在中書明逸罷秦州歸復用為翰

林學士其他事多此類

春晴書事七言律

游石

賢院學士劉

公墓誌銘

庚戌熙寧三年公六十四歲

四月壬申除檢校太保宣徽南院使判太原府河東路經略安撫監牧使兼并代澤潞麟府嵐石路兵馬都總管命赴闕朝見中外之望皆謂朝廷方虛相位以待公公六上章堅辭以久疾昏耗不任重寄且曰時多喜新奇而臣思守拙眾方興功利而臣欲循常執政知終不附已遂不復用時方行青苗錢法公陳不便三事其一言朝廷本爲惠民而田野之民蠢然不知周官泉府爲何物但見官中放債每錢一百文要二十文利爾欲天下曉

然知取利非朝廷本意乞除去二分之息但令只納元數本錢蓋二分之息以爲所得多耶固不可多取于民所得不多耶則小利又何足顧何必以此上累聖政其二言元降指揮如災傷及五分以上則夏料青苗錢令于秋料送納秋料于次年夏料送納然年歲豐凶不可定若連遇兩三料水旱則青苗錢積壓拖欠數多纔遇豐熟卻須一併催納則農民永無豐歲矣今乞令人戶遇災傷本料未曾送納及無力拖延不納者竝更不支俵與次

料錢始免積壓拖欠及失陷官錢之弊其三言朝廷屢降指揮約束州縣官吏不得抑配百姓然諸路各有提舉管勾等官以不能催促盡散爲失職州縣之吏亦以俵錢不盡爲弛慢不才上下不得不遞相督責勢使然也今乞罷提舉管勾等官不令催督其所俵錢取民情願不須盡數亦不須合縣之民戶戶盡請如此自然無抑配之患矣 五月復奏言自俵青苗錢以來議者皆以取利爲非然夏料錢于春中俵散猶是青黃不相接之時以

爲惠政尙有可說若秋料錢于夏月俵散正是蠶麥成熟人戶不乏之時何名濟闕直是放債取利爾若二麥不熟則夏料尙欠豈宜更俵與秋料錢使人戶積壓拖欠以此而言秋料錢可以罷而不散奏旣上令本州權停頒給以俟朝命有旨不合不聽候朝廷指揮擅行止散之罪特予放免公上表陳謝 七月辛卯改知蔡州 九月甲寅至蔡是歲更號六一居士曰吾集古錄一千卷藏書一萬卷有琴一張有碁一局而常置酒一壺以吾

一翁老于其閒是為六一自為傳以刻石言青苗錢第一

劄子謝擅止散青苗錢放罪表詩譜補後

序續思頴詩序峴山亭記六一居士傳

辛亥熙寧四年公六十五歲

公在蔡累章告老六月甲子以觀文殿學士太子

少師致仕公既氣貌康強而年未及例一旦勇退

士大夫莫不驚歎曰近古所無也七月歸頴賦

采桑子詞十首述西湖風物之美趙康靖槩與

公同在政府相得甚歡公被誣密申辯理至欲納

誥敕以保公而不使公知聞公歸頴自睢陽單車

來訪年八十矣呂正獻公著守頴為設宴于西湖

賓主稱一時之盛因題其堂曰會老堂八月將

祀明堂詔赴闕陪位公上章乞免從之禮成賜衣

帶器幣牲餼蔡州乞致仕第二表蔡州乞致仕

公文集序薛簡肅

壬子熙寧五年公六十六歲

閏七月庚午二十三日公薨于汝陰之私第天子震悼

輟視朝一日士大夫聞公喪皆出涕相弔八月

丁亥贈太子太師孫男四人愬憲恕愬皆以公恩
試祕書省校書郎詔潁州守取公所撰五代史
進御公歷三朝數十年閒以文章道德爲學者
宗師接人待物誠信樂易不爲表暴見者莫不愛
服而天資高遠常人自不能與之合公待之一也
喜獎引後進賞識之下率爲聞人篤于交友不以
貴賤生死易意歷七郡守以鎮靜爲本視民如家
人察其所欲知其疾苦尤盡心于訟獄非盜賊大
獄不過終日吏不得畱滯爲姦非已殺人而法可

出入者多所全活曰吾先君之志也其學推韓愈
孟子以達于孔氏力闢非聖之說其文章天才有
餘豐約中度雍容俯仰不大聲色而義理自勝筆
札精勁自成一家有得其片紙必寶藏之平生于
物無所好惟收蓄古文圖書集三代以來金石銘
刻爲一千卷以自娛因校正史傳之失其所著述
有易童子問三卷詩本義十四卷五代史七十四
卷居士集五十卷外集二十五卷歸榮集一卷外
制集三卷內制集八卷奏議集十八卷四六集七

卷書簡十卷集古錄跋尾十卷雜著述十九卷又奉敕撰唐書紀十卷志五十卷表十五卷在館職日與同時諸公共撰崇文總目祖宗故事

附 東坡六一居士集序云自歐陽子出天下爭自濯磨以通經學古為高以救時行道為賢以犯顏納說為忠長育成就至嘉祐末號稱多士歐陽子之功為多又云歐陽子論大道似韓愈論事似陸贄記事似司馬遷詩賦似李白此非余言也天下之言也又雜記云頃歲孫莘老識歐陽公嘗乘閒以文字問之云無他術惟勤讀書而多為之自工世人患作文字少又懶讀書每一篇出即求過人如此少有至者疵病不必待人指摘多作自能見之此公以其嘗試者告人故尤有味又跋公帖云公用尖筆乾墨作方闊字神采秀發膏潤無窮後人觀之如見其清眸豐頰進趨煜如也

公詩文有不注年月與雖注而可疑姑摘其尤者什一附記于後以俟博考

送唐生五言古 寶劍 彈琴效賈島體 酬學
詩僧惟悟 讀書 戲書拜呈學士三丈 和楊
子聰答聖俞月夜見寄 江上彈琴 別聖俞
答錢寺丞憶伊川 寄左軍巡劉判官 送劉十

三南游 病中聞梅二南歸 立秋有感寄蘇子
 美 送李太傅知冀州 竹閒亭 箕山 西園
 晚步綠陰園 遂登凝翠亭 鸚鵡螺七言古
 食糟民 太白戲聖俞 感二子 鷓鴣詞 馴
 鹿 射生戶 戲石唐山隱者 晚泊岳陽 惠
 泉亭 春日西湖寄謝法曹歌 寄聖俞 聽平
 戎操 日本刀歌 壽樓 試院聞奚琴作 和
 子履游泗上雍家園 壽樓 試院聞奚琴作 和
 孟都官知蜀州 廣愛寺 秋郊曉行 春晚同
 應之偶至普明寺 小飲作 夜意 送客回馬上
 作 送王公慥判官 荷葉 題淨慧大師禪齋
 題 損之學士蘭皋亭 酬張器判官泛清溪七
 言律 憶滁州幽谷 李雷後家聞箏席上作
 內直奉寄聖俞博士 曉詠 西征道中送陳舅
 秀才北歸 送日舟中寄劉昉秀才 題金山
 寺 送寶秀才 甘露寺 送友人南下 寄子
 春發運待制 寄題景純學士藏春塢新居 畫
 眉鳥七言絕 田家 樵者 行雲 和謝三學

士龍門曉望
 魚月鶴

梅聖俞詩集序 鄭荀改名序 韻總序 送王
 陶序 孫子後序 帝王世次圖序 樊侯廟災

記 荅祖擇之書 記舊本韓文
 後 雜說三首 跋唐薛稷書

甲寅熙寧七年八月諡文忠 樞密副使吳充撰行狀
 以牒太常太常初諡曰

文常秩言公有兩朝定策之功請加以
 忠從之同知太常禮院李清臣撰諡議

乙卯熙寧八年九月乙酉二十日葬開封府新鄭縣旌

賢鄉 墓誌銘太師魏國公韓琦撰朝散大夫宋敏
 求書神道碑諸子以屬蘇軾軾鄭重遲回久
 而未就歿後三載其弟轍始續成之時崇寧五
 年去公之葬已三十二年公四子獨棐猶在

庚申元豐三年十二月贈太尉 以子
 發恩

乙丑元豐八年十一月贈太師追封康國公

丙子哲宗紹聖三年五月追封兗國公 以子棐 辯恩

舊譜載此附錄又載蘇軾祭文有維元祐六年歲次辛未昭告于故太師兗國文忠公安康郡夫人云云則兗國之封疑不在紹聖時

甲申徽宗崇寧三年追封秦國公

癸巳政和三年追封楚國公 皆以子棐 遇郊恩

跋

韋軒先生世居梁溪南門外研精經學立品端嚴著有詩經旨言韋軒詩文等集即其增訂歐陽文忠公年譜謂鄭國公年五十九而韓國太夫人何以年止三十且舊譜稱公有長子昞疑尚有元配又據文忠公與李淑書知撰次五代史尹師魯實未嘗分任其識見高出舊譜及胡氏柯本遠矣翠嶺沈楸惠

淵良高出普爾又時丸神本數突擊於林惠
公與李端善取魁太五升史氏隨尊寶木嘗衣其
三十且舊備神公育廷千離發倫育武彌又其文忠
平靈贈瀛國公辛五十共而神國太夫人何以平五
日精靈言事神高文等兼明其會百週期文忠公
軍神尖坐世景樂對南門外稱神靈學立品徽



